

# L'ESSOR

faso kumakan

## "UDPM" sèkisonw sira taama

Kabini araba tèmènen, san 1982 nowanburu kalo tile tan don, faso nyèmógóac jèkulu caman bè an ka foroba tòn "UDPM" sèkisonw sira taama la.

A jèkulu kelen kelen bèe kónó, Pariti nyèmógó kelen b'a la, gofèrenama minisiri kelen b'a la, musow ani demisènw ka tónbaw nyèmógó kelen b'a la.

A sira taama bè b'o "UDPM" sèkisonw bèe lajèlen kan, Mali fan bèe kónó, ka baa-raw kè cogó ani kow latèmè cogow lajè walasa fèn minnu bèe kè sèkisonw kónó, Pariti ka nyètaa sira kan, olu ka don.

Yèlèma minnu donna Pariti n'a bolofaraw la ani taama sen kura min kanuna Pariti ye, k'o fara tóndenw dusu kura kan, olu ye waleyaw ye minnu ka kan ka kunkóróta cogoya la, min bèe wesa.

O kunkórótali dun tè nyè ni nyèmógó ma wuli, ka taa bó tóndenw ye maraw kónó, k'u kumanyógónya, k'u kunkow n'u haminankow don, k'o sègèsègè, walasa Pariti fanga n'a danbé n'a jóyóró bèe fa bèn, kelenya ani kanu kónó jamanadenw bolo.

Sèkisonw sira taama ka kan ka lajè o hukumu dórón de kónó. O bè faamuya kòsèbè, bawo tòn nyèmógó mana wuli ka taa bó tóndenw ye, n'o ma min fara tòn kanu kan, o tè fèn b'a la.

## peresidan musa tarawele bè "OUA" sira kan

Afiriki ka kelenya tónba n'o ye "OUA" ye, o jamana kuntigiw ka tónsigi 19 nan ma se ka kè Tiripoli, Libi jamana kónó, Saharawi kónó.

O tuma ni sisan cè, jamana wóoro peresidanw sugandira, Ûti kalo la, ka teriya ani badenya taama kè, walasa fèkabèn kónó, Afiriki peresidanw bèe lajèlen ka nyógón sèrò Tiripoli, ka gèlèya in latèmè nógóya la.

O siratigè la, peresidan Musa Tarawele taara Ganbi ntènèn don ka segin Bamakò o don kelen ani Dawuda JAWARA ka nyógónye bannen kò n'o ye Ganbi jamana kuntigi ye.

A seginnen Bamakò, a y'a jira k'a ni Ganbi peresidan ye nyógón faamuya tónsigi in konyèw la; ale hakili la, a bè se ka sigi sen kan, nin Nowanburu kalo la Tiripoli, i n'a fò peresidan tów y'a kanu cogó min na.

Peresidan Musa TARAWELE tun'ka kan ka taa Moritani ani yen jamana kuntigi kuna Uludu HAYIDALA fana ka nyógón ye "OUA" tónsigi 19 nan kelen in konyè kan. Nka Moritani taa ma bó, k'a sababu kè yen peresidan ka taama ye.

A kèra cogó o cogó, Moritani taa bè peresidan Musa TARAWELE ma, k'a d'a kan nin nyógónyew wajibiyalèn don, sani Tiripoli tónsigi don ka se.

## lewonidi bèrèzinèwu

### irisila jamana kuntigi fatura

A kunnafoniw bè nyè 2 la.

## sènèfènw sòngò kuraw

K'a daminè san 1982 Nowanburu kalo tile 8 na, suman minnu bè san "OPAM" na, o bè feere a dunbagaw ma mali fan bèe kónó nin cogó la :

- Sanyó, keninge ani kaba..kilo: dórómè 25
- Malo "ELB".....kilo: doromè 66
- Malo "RM 25".....kilo: dórómè 60
- Malo "RM 40".....kilo: dórómè 50
- Malo "BB".....kilo: dórómè 46



## alizeri ye fura caman di mali ma

Juma don òkutòburu kalo tile 29, wale nafamaba dò kèra kènèya ni hadamadenya konyèw sabatili minisiriso la.

Alizeri jamana ye dògòtòrò fura caman di Mali ma. Wale in kèra Alizeri lasigiden kura nyè na, n'o

ye Ali Abudalawi ye, ani dògòtòrò Ngolo Tarawele n'o ye kènèya ani hadamadenya konyèw minisiri ye Mali la.

Minisiri Ngolo Tarawele ye foli lase Alizeri jamana lasigiden ma. A y'a jira ko nin y'a sinyè fila ye Alizeri bè Mali sòn dògòtòrò furaw la. Sabu san daminè na, u ye fura tóni 11 di Mali ma.

Minisiri ko Alizeri ka sanyèlèma seli hukumu kónó maliden bèe ka foli bèe ka taa alizeriden bèe ma.

Ali Abudalawi ko teriya ni badenya dórón de bè Mali ni Alizeri cè. Jamanninnu fila ka hère ni hère rètana ye kelen ye nyèwòrò.

Nowanburu kalo tile 10; san 1982, irisila jamana kuntigi ni pariti komisini nyefeton nyemogò Lewonidi Bèrèzinèwu ye dinyè to k'a si to san 75 la.

Lewonidi Bèrèzinèwu tugura irisila pariti komisini ni dinyè sosyalisimu jamana fòlò jujònbaga Lenini ka fòlenw na.

A ka dinyelatigè bée benna irisilakaw ka hère ni lafiya ma ani bèn ni nyogonfaamu ni siginyogonya nyuman dinyè jamanaw ni nyogon cè.

Bèrèzinèwu wolora Desanburu kalo tile 19, san 1906 irisila uwuriye du dō kòndò, Ukèrèni mara la.

### lewonidi bèrèzinèwu tonden nyuman


A ka kamalenya benna waati gèlèn ma jamana kòndò. A y'a sòrò kòngò nyani, sègèn ani kalambaliya kèlen don ka irisila labò kosèbè.

A donna pariti komisini funankèninw ka jè la a san 17. A kèra pariti komisini tonden ye a san 20 fò ka na se a saya ma.

Lewonidi Bèrèzinèwu m'a yèrè tòto jamana ka dinyèlabò wale gèlènw si la. A ma to kò habada a faso jòli baaraw la.

San 1935, a ka kalan kuncèlen, a taara baaraw k'è a wolo dugu la. O waati, miiriya falenw minnu tèmèna a ni uwuriyew cè, o y'a sòn hakili la, ka faamuyaba d'a ma pariti labèn cogo kan ani dinyè kuntaala walew.

# "urss" jamana kuntigi fatura



LEWONIDI BEREZINEWU, IRISILA JAMANA KUNTIGI

San 1939, a kèra jèpòròpètòròwisiki pariti komisini bolofara nyemogò ye, n'o tun ye jamana iziniba yòrò ye. A ma mèn itilèri kèlè nana wuli jamana kòndò, Lewonidi Bèrèzinèwu y'a jòyòrò fa kèlè min sen fè, ka juguw cèci.

Dinyè kèlèba in tèmènen kò, 1950 waati la, Lewonidi Bèrèzinèwu y'a jeni yòrò fin faso jòli la kura ye. O sen fè u ye izini kòròw Lewuli, ka kuraw dilan, ka dugukolo taari miiyòn yirika labèn sènè kano. Kazakisitan mara dugukolo sènè konyèw nyemogòya tun è Bèrèzinèwu bolò. Kèbini o toma danaya dara Bèrèzinèwu kan jamana kòndò.

### lewonidi bèrèzinèwu hère kanubaga

Okutòburu kalo, san 1964, irisila pariti komisini nyefeton nyemogòya dira Lewonidi Bèrèzinèwu ma. A ye san 17 de kè komisimuw jòli la.

A ka nyemogòyaba in waati kòndò jamanaw ni nyogon cè konyèw jòrè kèra Bèrèzinèwu la kosèbè. A ye ko èè kè wala futinè ka duga jamanaw ni nyogon cè, bèn ni lafiya ka don dinyè kòndò. O siratigè la a ye jamana caman taama, k'a bolonò bila sèbèn nafama caman na.

A ka hère nyini kèlè kèra sabè nyè, a ka dinyè jababaw sòrò minnu kanulen don hère kanubagaw bée ye.

Nin bée de kòson Lewonidi Bèrèzinèwu tógò tè se ka tunun habada dinyè kòndò.

## malidenw ka nisongoya

Lewonidi Bèrèzinèwu fatuli kibaruya mènni an fè, o ye Mali jamanadenw n'a nyemogow du su kasi k'a da teriya ni demè kan min bè Irisila ni mali cè ni nyogon cè.

O de kòson Mali jama na kuntigi ye sangafò sèbèn ci irisila pariti komisini nyefeton ma, ka tila ka taa Irisila lasigidenso la

Bamako, ka t'a bolonò bila dugadà sèbèn na, ka malidenw bée ka nisongoya jira irisila mogoba in fatuli la.

Kabini tuma jan bèn ni nyogonfaamuya ni jèkèbaara bè Mali ni irisila jamana cè. O sira nyumanw labatoliba dō kèra Lewonidi Bèrèzinèwu ye; ale min

y'a ka dinyelatigè bée labila bèn ni hère ni lafiya ni bolodinyogonma baaraw waleyali kama dinyè kòndò.

Ni Lewonidi Bèrèzinèwu fatura, a ka kan malidenw ka fara dinyè hère kanubagaw bée kan, ka dugaw k'a ye a ka hadamadenya baara nyumanw kòson.

## feerelikèlaw bè ka sannikèlaw jurumu ta

An bè wari nyini suguya bée y'an nyè la dugukolo in kò kan. Fèrè baa kelen ni kò bè bi feerelikèlaw bolo.

Dow bè misi bo nyagami sunbala la. Dow bè nyòbu nyagami fiyèfiyè la. Jafaranamugu yèrè bè kè tamatidoro la dōw fè. Dow fana bè ji fara nòno kènè kan k'a caya, ganmuwu bè dafa ni jirimuwu ye. nin bée de bè feere Bamakò suguw la an filè yòrò min. laadiriya ni jèlenya banna.

Legimu feerelaw ni mobilisenfeerelaw ni tajifeerelaw ni finfinfeerelaw ni farafin furafeerelaw ni sogo-feerelaw ni nafènfeerelaw ye nyogon sigiyogonw ye. U dorogolen don nyogon na i ko fèn kelen feerelaw, k'a sòrò u tè nyogon nyè sirala.

Butiki kelen fana kòno, i b'a sòrò bolo kelen de bè nburu ni taji ni sukaro ni soso faganaw n'u nyogonnanw di sannikèlaw ma.

An bi mogow mana hawuja wari nòfè, an ben baw tun bè balo cogo di, Olu minnu tun bè taa n'u ka feerefèn jèlenw ye jamana ni jamana u sen na wari nòfè an bè se ka min nyogon tan sòrò-sisan.

**bana jugu sòrò cogo**

Nin bée ye fèn ye, min bè sannikèlaw labila bana juguw ye. Ala

yèrè dóròn de b'an bó, n'o tè se t'an ye dabalali t'an ye.

Nin ye ko ye, n'an m'a lajè ji nyemajòlen na, a tinyèli barika bèna bonya. Wari nyini ye tinyè ye, nka mogow wèrè ni ka k'a sababu ye, o fana ma fò dè!

A bà fò don o don ko janto yèrè la kòrò ko ka nyi. An hakili la o y'a ye n'an bè fèn min si don.

Fèn kelen min bè se

k'an kisi jagokèla iuguw ma o ye feerelifènw kòlòsili n'u sègèsègèli ye kènèya wale sabatilibagaw fè. Suman mana bayalàma k'a tinyè, k'a kè nòsòni ye, bée b'a don k'o dunni ye balawu ye hadamadenw ma.

A tè bèn fò gofèrenama ka fèrè nyènamaw siri dumunifènw sègèsègèli la a feerelibagaw bolo, minnu tè siran ala nyè, u tè siran alakira nyè u ka mogow faga walew la, janko olu k'u ka nafolo sòrò